

Bisaya

Nag-unang Sinemanang Magasin Sa Binisaya

Mayo 15, 2019

Karon,
Available na sa
National Bookstores
ug Merriam &
Webster Bookstores
Nationwide!

Mga Sugilanon:

**Bukas Nga
Sulat Alang
Kang Tars**

Ni Buenaventura F. Tibon

**Ang Kataposang
Balak**

Ni Emerio S. Sumagang

**JESSY
MENDIOLA**

Gumalaysay

**Pagduaw sa
Dao Spring:
Pagpauli**

Ni Mechelle Centurias

Balak Sa Semana:

blackhole

Ni Ivanie Michmir

**MANILA
BULLETIN
PUBLISHING**



EESM
BOOKSTORES
Telefax (02) 436-1882 / 930-9728
CPE 09052849354



Jessy Mendiola.

Malipayon Karon sa Iyang Lovelife

THIS girl is in good hands.

Magtulo ka tuig na sa Hunyo 25 ang relasyon nila ni Luis Manzano ug padayon kining nagkalig-on bisan pa man sa mga problema mga mohadla kanila sa matag karon ug unya.

Gani mas gipili pa man sa dalaga ang iyang pagpakigrelasyon kang Luis kaysa iyang *showbiz career*. Nakaapektog dako sa iyang pag-artista ang mao niyang desisyon apan wala siya magmahay nga gipili niya ang gugma kaysa karera.

Kay nakita niya ang lalaki nga maoy tubag sa iyang pag-ampo ngadto sa Ginoo nga maoy mogiya, motabang, mag-atiman ug maghatag og bili niya unsa man ang iyang kinabuhi.

“Luis is everything I hoped for, maybe even more. He healed me in so many ways and gave me love when I thought I could never fall in love again,” pu’ng pa sa dalaga.

“He taught me to be happy even when I’m constantly judged and misunderstood. He loved me even in my darkest days,” dugtong pa niya.

Gipadayag sa aktres kon unsa siya kamalipayon karon nga nakaplagan niya ang lalaki nga sama kang Luis.

Ang lalaki usa ka dakong gasa gikan sa Kahitas-an alang kaniya. Mao nga gihigugma niyang maayo si Luis kay nabatyagan niya nga *secure* siya ug hingpit siyang gihigugma sa *TV host* sa matag gutlo sa iyang kinabuhi.


Human sa “Stranded” nga gibidahan nilang Arjo Atayde, duna na usay giandam nga programa nga apilan ni Jessie ubos sa *Kapamilya network*.

Busa walay rason ang dalaga nga mag-oberdabakod segun sa tsismaks nga duna nay nakigsabot niyang taga GMA-7 aron mahimong Kapuso. Kay duna pa siyay trabaho ug *existing contract* sa ABS-CBN.

Ug samtang nagpaabot nga masugdan ang proyekto, gigahin una niya ang iyang panahon sa iyang bag-ong negosyo, ang *Señorita* nga usa ka *online store*.

Hinuon, daghay nag-ingon nga usa siya sa gipilian nga maoy mohulip ni Liza Soberano sa “Darna”. Apan dili siya magdahom niini kay sa iyang tan-aw mas haom sa papel ni Darna ang morena.

Gawas nga dili siya morena nag-usab na siya karon og *hairdo*. Gani ka-look-alike na man niya ang mga *Hollywood star* nga sila si Emilia Clarke, Marilyn Monroe, Sabrina Spellman, ug Nicole Kidman. —



NASH

AGUAS

DAKOG GARBO

NGA NAKATAG-IYAG

BAG-ONG BALAY

SA AMERIKA

DAGHAY nag-ingon nga dili na gyod ma-reach si Nash Aguas. Apan sa tinuoray, nakatungtong pa gihapon sa yuta ang iyang duha ka tiil. *Destiny* lang gyod nga gigiyahan siya sa iyang mga paninguha ug makapalit og *house & lot* didto sa Amerika nga gikan sa iyang hinagoan.

Malipayong gipahibalo sa kanhi *Goin' Bulilit* star ngadto sa iyang mga friend nga *officially and legally* duna na siyay kaugalingong balay sa Las Vegas, Nevada.

Malipayon niyang gipakita ngadto sa iyang mga kaila sa Instagram ang gihawiran niyang papeles nga dunay nakasulat nga "Estate Planning for Aiegn Zackrey Nash Victoriano".

Ang gibuhat ni Nash usa ka maayong ehemplo alang sa mga artista ug sa mga batan-on nga nanginabuhi sa *showbiz* nga angay lang magtipig sa ilang kinitaan. Kay ugma damlag makatabang kinig dako ug maggahas sa dalan padulong sa katumanan sa ilang mga pangandoy, alang man kini sa kaugalingon o sa pamilya. — 77

DINGDONG DANTE,

MODALA ISIP "BIG BOSS" SA "DESCENDANTS OF THE SUN"

NATAPOS na gyod ang dugay nang gipaabot.

Nagmaya karon ang mga *Koreanovela fan* sa gikahinamang *Philippine adaptation* sa "Descendants of The Sun". Gibutyag ni Perry Lansigan, *talent manager* ni Dingdong Dantes, nga ang aktor ang modala sa papel sa usa sa mga *lead role* sa naasoyng teleserye. Kini human mipirmag kontrata ang bag-o na usab nga *daddy* aron padayong magtrabaho sa *GMA network*.

Sa dili madugay, makapaabot na gyod ang mga *fan* nga matan-aw ang *Pinoy version* sa "Descendants of The Sun". Dugay na kining giatangan sa kadaghanang nahilig sa *Koreanovela* sa *Kapuso network*.

Ang *Kapuso actor* ug *Primetime king* nga si Dingdong Dantes ang maghatag og kinabuhi sa karakter ni Captain Lucas a.k.a "Big Boss" nga orihinal nga gidala ni *Korean actor* Song Jungki.

Niini, daghang *netizens* ang nalipay ilabi na ang *DongYan fans* nga gustong magkاپares na usab ang magtiayong Dantes sa usa ka proyekto, sa pelikula man o sa telebisyon. — 77



ANG MGA MANANANOM OG PETSAY SA LINAWAN

Teksto ug mga hulagway ni E.S. GODIN

MATAG abot sa ting-init sa tuig madasigon ang gagmayng mga mag-uuma nga nanimuyo sa sidsid sa Sapa sa Linawan. Banagbanag pa lang makita na silang makugihong nanagtanod sa ilang tariyang mga *plot*— may namisbis sa ilang mga tanom, may namuna, may nagpiko alang sa bag-ong tamnanan, may nagsabod og semilya, may namomba, may paspas nag-

ani kay naa na ang suking daan nang nagsaad sa miaging gabii.

Buntag ug hapon anaa sila— masud-ong mong kanunay nanagdali, daw dili buot hiabtan sa unsa mang mangtas nga nagdangarang. Ug sila, sa ilang mga kaugalingon, dili inosente sa usa ka dakong kamatuoran— nga ang ilang kalipay ug kadagaya gipanag-iya lang sa usa



Ang tagsulat nga nag-selfie taliwa sa lunhawng petsayan.



Pagduaw sa

NI MECHELLE CENTURIAS

Dao Spring: Pagpauli

KAPIN duha na ka tuig ang minglabay sukad ko kataposang nakasuroy-suroy sa maanindot nga mga lugar sa among bukid. Kini tungod kay *occasional* na ang akong pagpauli ug kon makauli man ko, usa ra ka adlaw ang akong pagpundo sa amoa. Ang among pinuy-anan nahimutang sa suok sa habagatang bahin sa Sugbo— Sibonga. Aduna kiniy gilay-on nga 63 kilometros gikan sa siyudad. Ug tungod kay sa siyudad na ko nanimuyo sulod sa 12 ka tuig, wala na akoy higayon pagsuroy-suroy sa among dapit kon mouli ko. Igo ra kong mosimhot sa amoa, ug dayon balik sa gubot nga kinabuhi sa siyudad.

Dao Spring: Nagtagong kasingkasing sa kaanyag

DUHA na ka tuig sukad ko kataposang nakasud-ong sa kaanyag sa Dao Spring. Kauban ko niadtong higayona ang kanhi nako hinigugma nga karon gipili ang pagserbisyo sa Ginoo. Duha na ka tuig sukad ko nakasud-ong pod sa kahayag sa iyang panagway dihang gisuginlan ko siya nga ang maong dapit maoy kasingkasing sa among barangay. Dinhi ang tubod sa gugma sa mga lumulupyo. Ang tubod maoy naghatag og tubig sa matag panimalay sa amoa hangtod na sa silingang mga barangay. Maong kini gipanalipdan sa tanan batok sa tanang matang sa kadaot. Ug matod pa sa katigulangan, apil ang mga diwata sa pagpanalipod niini. Ang inawas sa tubod maoy ulo sa sapa nga nag-*supply* og tubig sa mga mag-uuma sa ilang inadlaw-adlaw nga panikaysikay sa baol.

Pinaagi sa *irrigation system*, gipadagan sa barangay ang tubig pinaagi sa sementadong kanal ngadto paduol sa mga umahan nga dakong tabang sa mga mag-uuma. Usa ka dakong lim-aw ang makita ubos sa tubod nga kon sud-ongon pag-ayo, naporma kinig kasingkasing apan dili usa ka perpektong kasingkasing kon dili usa ka kasingkasing nga daw nag-agi og pagkatay-og ug nahiwi. Apan bisan pa man sa imperpektong porma niini, wala kini makatay-og sa kaanyag nga iyang gibatnan.

Duha ka tuig na kapin ang minglabay sukad nako gipakita ngadto sa tawong akong gipangga ang tinagoang bahandi sa among barangay, duha ka tuig na kapin sa iyang pagbiya apan sukad sa kataposan namong panag-uban, wala na ako makabalik sa Dao Spring. Gikalimtan nako ang kaanyag nga kanhi namo kaubang gisud-ong. Gilikayan ko pagsubay ang mga dalan nga kanhi namo dungang gitaak. Molingiw ko sa mga butang nga kanhi puros bililhon alang kanamo ug ingon man ang mga handurawan nga magpahinumdom nako sa kanhing kami. Kana kay tungod sa akong pagtuo, ang paglikay sa mga panumdoman,

blackhole

dili sayon matagak sa mga kagahapon nga andam na sab unta natong sak-on. sama pananglit sa taas nga pagbingat sa atong mga kamot aron sa paghangop kanato, sa atong dungan nga pagtikang diha sa higdaanan nga miduot ug mipalubong, ang mituasik nga kamingaw nga gipaagi nato sa pag-akob diha sa halok, ug sa nasaksihan tang pag-inat sa kaugalingon nga diin mibalikos sa matag-usa-kanato. dili sayon ang gusto tang paglingkawas niini adunay eksaktong espasyo nga gikinahanglang abton aron mahimulag kita niini, tukma nga pagpilo-pilo ug pagbuho sa panahon aron makalusot kita niini, igo nga kaisog sa pagsalibay sa mga butang biniyaan aron malimot kita niini. ug kon dili gani nato maabtan ang pagbuto sa mga butang diri kanato, suyopa na lang kog balik diha kanimo, patuyoka kog balik sa imong kasingkasing, palutawa kog balik sa imong hunahuna, ug pusta na gyod kog maayo sa imong kangitngit.

kay nianang higayona, kon imo kong tugotan pag-ablig balik sa imong kaugalingon, andam kong kalimtan ang tanan: ang oras, espasyo, ug ang mga biniyaan natong mga butang nga buot molalang og lainlaing kanato.

IVANIE MICHMIR
Dakbayan sa Ormoc



(Si IM kasamtangang nagtungha sa University of Cebu-Main Campus ug nagtrabaho usab sa ITPark Cebu isip usa ka CSR. Nakasalmot na siya og pipila ka pasinati ug napatikan nag mga balak sa mga antolohiya ug literary journals. Membro siya sa Bathalad-Sugbo ug sa Hablon, mga hugpong sa magsusulat sa Cebu. Ang iyang balak nga "Ang paglaom ni kurdapyo" nakasakmit sa Unang Ganti sa Silab Literary Festival nga gipahigayon sa Lakandiwa, school publication sa UC-Main. Kining maong balak pagaisipong basehan sa pagapiliong "Labing Masaarong Bag-ong Magsusulat sa Bisaya sa Tuig 2019".)


Sa Sunod Gula

Balak Dakong Mga Balod




Makuyaw ang dagkong mga balod / Sa kalawran apan mas labing mapintas / Ang dagkong mga balod sa hunasan...

Sugilanon **Ang Kinabuhi, Suwerte-Suwerte Lang**



Dili nimo matag-an ang dis-og sa kinabuhi. May panahon nga maimo gyod ang suwerte...

Sugilanon **Ang Babaye Sa Simbahan Sa Yotsuya**



Wa damha ang panagkita. Ug kini alang sa ilang kahangtoran...